

乾

象

通

鑑

乾象通鑑卷第二十三

河間府免解進士臣李季奉

聖旨編

太微垣後論

郎將星論

常陳星論

內五諸侯星論

九卿星論

三公星論

謁者星論

郎將星論

郎將星統占

月五星犯郎將星

客星犯郎將星

彗孛犯郎將星

流星犯即將星

雲氣犯即將星

即將星統占

傳曰即將一星在卽位北主閱具所以爲備也

天文錄曰即將星若今之左右中卽將也

石申曰卽將星明大則臣下爲亂

陶隱居曰卽將主左右九衛卽將占曰明動則將怒不可當

荊州占曰卽將明將怒不可當若星失其常將有憂
河圖遺書曰卽將星微明而黃潤則吉明大則凶星
亡則大臣叛星暗不爲災

古今星釋曰即將星明大而出四角則臣下有匿謀
即將光浮而數動搖及徙移非常則天下失士卒
天下兵起有匿謀陰志以及人君

陳卓叙占曰即將星明大有芒角乍東乍西光動不
止則將有離心欲以兵叛

月五星犯即將星

天文別錄曰月逆行犯即將星則臣爲亂一曰臣有
異謀一曰將士不和以兵相誅

古今星釋曰歲星逆行干犯即將星則王者憂兵起
熒惑逆行失度犯即將星則天子衛士有異志欲

以兵叛一曰將有匿謀為亂太白經天逆犯郎將
星則天子失禁衛士卒心親衣戎服一曰天子無
出宮防內變

海上通占曰辰星逆行犯郎將星則憂兵不然有大
水傷禾稼

客星犯郎將星

甘德曰客星犯乘守郎將星郎將誅

石申曰客星色黑犯郎將嗇夫死不則免罷

古今星釋曰客星大如杯碗乘守郎將星則大將通
外姦欲以兵叛

河圖遺書曰客星明大色赤出四角守即將星大將
以兵敗坐法若色黑則大將握兵叛主其勢不可
當若蒼白色則將士自相殘殺

大衆旁通曰客星乘守即將旁五十日以上者不去
則天子左右有兵變一曰有內亂

彗孛犯即將星

天文別錄曰彗星入即將星則天子左右有陰志謀
及天子不成以事坐誅

古今星釋曰彗星掃即將則大將野死不然軍破
河圖遺書曰彗孛抵觸即將炆若炬火及五十日不

戒則天下太亂

大象旁通曰彗星若粉絮掃即將星則天子失左右衛士一曰天子自將兵

陳卓叙占曰彗孛光芒及尋丈直抵即將則有內變一曰有陰謀逆上為亂一曰衛士有變謀

流星犯即將星

武密曰流星犯即將將軍憂一曰將士不協

天文別錄曰流星直抵即將星則大將叛主一曰將士相離不然破軍殺將

古今星釋曰流星觸端門直抵即將星則天子衛兵

不嚴自相誅戮一曰天子有兵恐

海上通占曰流星自即將出從端門則天子遣衛兵
將士出征一曰天子親甲冑一曰天子自將兵

雲氣化即將星

古今星釋曰有蒼白雲氣入即將則將士有陰謀三
軍不和一曰兵破將亡

天文別錄曰黃雲氣入即將則大將受錫賜一曰天
子以爵祿賜大將

海上通占曰有黑氣入即將則天子衛士以兵叛鋒
不可當有赤氣入即將則大將有憂

常陳星論

常陳星統占

月五星犯常陳星

客星犯常陳星

彗孛犯常陳星

流星犯常陳星

雲氣犯常陳星

常陳星統占

傳曰常陳七星如畢狀在帝座北天子宿衛虎賁之士以設疆禦也星移動天子自出兵明則武兵用微則兵弱

焦武延壽曰常陳星近黃帝座幸臣誅

天文別錄曰常陳七星明潤則天子衛兵疆盛星暗

則軍勢不振星直則衛士有離心星圻則衛士散
光浮而數動搖則天子宿衛有變星移徙失常則
天子親戎服

河圖遺書曰常陳星明則天下用武備衛士嚴肅宿
衛兵彊星微色青暗則宿衛兵弱不能禦外侮一曰
天子失其卒心軍聲不振

古今星釋曰常陳星明大異常而出四角乍東乍西
乍南乍北動搖不常則宿衛有匿謀防內亂一曰
衛士以兵叛

月五星犯常陳星

天文別錄曰月逆行犯常陳星則天子有兵恐一曰
天子憂外寇

古今星釋曰歲星逆行守常陳星則宿衛有離心熒
惑逆行犯常陳則虎賁強盛有異謀其鋒不可當
太白犯常陳則衛宿散徙自相誅戮辰星與鎮星
相從犯之則天子左右以匿謀及天子一曰有蕭
牆之禍

客星犯常陳星

石申曰客星犯常陳星王者行誅期八十日

天文別錄曰客星乘守常陳星則衛士通外姦欲以

兵變謀及天子

古今星釋曰客星大如斗器色蒼白犯守常陳而近帝座則天子惡之一曰國祚棄祀

大象旁通曰客星色白光芒出四角乘守常陳留舍五十日不去者天子行誅伐衛士以兵敗坐誅天子有兵憂

彗孛犯常陳星

天文別錄曰彗孛掃常陳而近帝座則天子惡之傳曰彗掃常陳衛士散徙天子失位四海兵起一曰除舊寘新天下更政

河圖遺書曰彗星若粉絮長可一丈所掃常陳侵帝座則天子當之一曰有革命

海上通占曰星孛常陳旁則衛士有異謀有內變虎賁作亂一曰宿衛兵起

陳卓叙占曰星孛常陳旁近中座則天子憂兵一曰宮中有亂變

流星犯常陳星

天文別錄曰流星抵常陳近中座則天子誅外國使流星觸常陳星則姦使入禁中謀不成坐法

天文總占曰使星出常陳由端門則天子遣虎賁出

征一曰天子起宿衛兵禦外寇

海上通占曰流星抵觸常陳星則人君設強禦以備外患一曰天子憂外侮侵凌

大象旁通曰流星犯常陳星抵中座則天子憂兵一曰國有大喪

雲氣犯常陳星

天文別錄曰有蒼白雲氣入常陳星則禁廷兵起一曰衛士盛強有陰謀

河圖遺書曰黑雲氣入常陳則天子惡之一曰有內變大象旁通曰青雲氣入常陳則衛士乏食一曰儲君

匱乏兵糧食作亂

內五諸侯星論

內五諸侯統占

月五星犯內五諸侯星

客星犯內五諸侯星

彗孛犯內五諸侯星

流星犯內五諸侯星

雲氣犯內五諸侯星

內五諸侯星統占

傳曰內五諸侯五星在九卿西內五諸侯內侍天子
不之國也辟難之禮得則太微諸侯明

河圖括地象曰五諸侯主刺姦不虞

星讚曰諸侯衛國列在帝廷

禮緯含文嘉曰辟雖之禮得穆穆皇皇和服則太微諸侯明

武密曰內五諸侯星均明即吉是星亡則諸侯受黜天文別錄曰五諸侯五星主使從天子刺舉非法察得失審姦良

天文志曰五諸侯主刺舉戒不虞亦主帝心五諸侯之占與北河五諸侯占同星明大潤澤則天下大治有芒角四出及浮光數動搖者則諸侯有不受制于天子

古今星釋曰五諸侯星曲直不常則諸侯有不廷者

一曰諸侯擅自征伐

大象旁通曰五諸星侯就聚則諸侯合謀欲攻天子
星圻則諸侯失勢星直不依故常則諸侯有匿謀
星明潤則諸侯面南百辟咸服星不等則諸侯自
相殘殺星明大有芒角四出數動搖不止則諸侯
有坐法者

月五星犯內五諸侯星

天文別錄曰月逆行犯內五諸侯則百辟不順王命
一曰百辟擅主柄震主威

河圖遺書曰月逆行犯內五諸侯則諸侯專恣禮樂

征伐出自天子

古今星釋曰太白逆行犯內五諸侯則諸侯用兵擅
自征伐不出王命熒惑逆行犯內五諸侯則諸侯
有異謀以事敗坐法歲鎮辰星犯之禍淺

晉元帝太興三年十月己亥月犯五諸侯占曰諸侯
有誅永昌元年三月王敦率江荆之衆來攻京都
六軍距戰敗績人主謝過而已四月殺鎮南將軍
甘卓等

晉康帝永和六年六月乙未月犯五諸侯占曰大人
憂是歲司徒蔡謨免為庶人

晉安帝義熙十四年三月癸巳太白化五諸侯時劉裕擅命軍旅數興飢旱相屬其後卒移晉室

唐長安二年熒惑犯五諸侯渾儀監尚猷甫奏臣命在金五諸侯太史之位火克金矣武后曰朕爲卿棟之以猷甫爲水衡都尉水生金太史之位卿無憂矣是秋猷甫卒

客星犯內五諸侯星

天文別錄曰客星色蒼白犯五諸侯星則惟辟作威不自王命一曰諸侯專恣

大象旁通曰客星色青黃守五諸侯星則諸侯握兵

叛天子

古今星釋曰客星乘守五諸侯留舍五十日以上則諸侯有自立者一曰諸侯擅天子權

彗孛犯內五諸侯

天文別錄曰彗星掃內五諸侯則諸侯以兵死若尾掃諸侯光近中座則天子與諸侯以兵相伐

天文總占曰彗星本在五諸侯星旁光芒射帝座及出端門外則諸侯逼天子出宮一曰有篡弑之象古今星釋曰星孛五諸侯近帝座則天子有憂諸侯被黜一曰侯甸有不擅主命者

海上通占曰星孛五諸侯旁則句服不庭列國不受制
漢建安十七年十二月有星孛于五諸侯周群以爲
西方專據土地者皆將失土是時益州牧劉璋據
益州漢中太守張魯別據漢中韓遂據涼州朱建
別據枹罕明年曹公遣偏將軍擊之涼州十九年
獲宋建韓遂逃于羗中病死其年秋璋失益州二
十年秋攻漢中魯降

建安二十三年三月星孛晨見東方二十餘日夕出
西方犯五諸侯占曰除旧布新之象

流星犯內五諸侯星

天文別錄曰流星抵觸內五諸侯星則諸侯專天子柄用一曰諸侯有匿謀

天文總占曰流星自端門入直抵內諸侯則百辟不御王命一曰旬服不服王制

古今星釋曰流星從左右掖門入抵內五諸侯則天子用法以繩諸侯諸侯合外姦以謀天子

大象旁通曰流星直抵五諸侯近太微中坐則天子有憂一曰諸侯逼天子

雲氣犯內五諸侯星

天文別錄曰蒼白氣入內五諸侯則諸侯以兵竊天

子柄有黃氣下覆五諸侯則天子以玉帛賜諸侯
若黃氣在五諸侯旁及在下諸侯以職朝天子若
有黑雲氣奄五諸侯則諸侯以兵叛天子有不觀
諸侯侯甸有不庭之方

九卿星論

九卿星統占

月五星犯九卿星

客星犯九卿星

彗孛犯九卿星

流星犯九卿星

雲氣犯九卿星

九卿星統占

傳曰九卿三星在三公北九卿內坐治萬事又曰九

卿在太微西蕃北星東主政事占同天紀

天文別錄曰若今太常光祿宗正衛尉太僕鴻臚廷尉司農太府之象

武密曰九卿主弼帝也

大象旁通曰九卿與天紀同

古今星釋曰九卿三星明則朝廷治四海安寧星暗則百官失職星亡則九卿被黜星坼則群臣離心星就聚則臣下叛有謀星不見崩地震國亂人饑古今星釋曰九卿三星如鼎足然上一星主太常光祿宗正三卿位左一星主衛尉太僕鴻臚三卿位

右一星主廷尉司農太府三卿位三星九卿之象
上一星亡及不明若星所主有憂左右二星亡及
不明若星所主有憂若光浮數動搖移徙則九卿
受禍

月五星犯九卿星

天文別錄曰月犯九卿星則朝廷有曠職一曰百官
無尊卑之列

古今星釋曰熒惑犯九卿星則羣臣憂濫刑一曰枉
法加上大夫一曰百官失職

陳卓叙占曰太白經天逆犯九卿星則朝廷尚武事

百官親戎服一曰金守九卿則百被甲

大象旁通曰辰星逆行犯九卿星則朝廷有姦邪在位一曰天子憂水災

海上通占曰鎮星逆行犯九卿星則九卿有憂一曰百官職事爭權

張平子通例曰歲星犯九卿星則群臣有叛上謀下一曰歲星逆犯九卿則百官異議

一行游儀後論曰歲星與太白相從逆犯九卿星則上卿有陰謀以事敗坐法

京房外傳曰太白逆行失度光芒四角射九卿星則

上卿有以兵叛人君者一曰天子失侍臣心

客星犯九卿星

天文別錄曰客星抵觸九卿星則上卿有爭訟上及朝廷色黃則上卿吉色青白赤黑則朝廷凶

古今星釋曰客星色青白有光芒四角指射九卿上星則太常光祿宗正有憂守左星則衛尉太僕鴻臚有憂守右星則廷尉司農太府有憂客星犯守各以其星次命之！

海上通占曰客星色青光微守九卿留二十日以上不去者則百官爭糧食國饑可見若青明大有怒

角相射奄上星則所主星有兵災奄左右星則各以其主所占命之

彗孛犯九卿星

天文別錄曰彗星出九卿尾太微中座則天子有兵憂一曰彗掃九卿則天子親征

古今星釋曰彗孛干犯九卿星則上卿受辱一曰大臣下獄連家有坐法者

一行游儀後論曰星孛干犯九卿近中坐則天子憂上卿以兵變一曰上卿以事坐法

流星犯九卿星

天文別錄曰流星直從端門或左右掖門抵觸九卿星則百官以職事爭繫獄一曰上卿受刑

天文總論占曰流星從九卿旁自端門出則天子以上卿出疆使于四方若流星自端門入抵九卿星色赤若火炬然則上卿通外姦坐法

古今星釋曰流星出九卿星則天子遣上卿出使各以其所之野命其國

雲氣犯九卿星

天文別錄曰有蒼白氣入九卿星則朝廷以兵柄付上卿有黃氣入九卿天子以高爵賜上卿一曰天

子以玉帛賜上卿有赤青氣入九卿則朝廷憂歲
飢黑氣入九卿則上卿坐法一曰上卿被逐

三公星論

三公星統占

月五星犯三公星

客星犯三公星

彗孛犯三公星

流星犯三公星

雲氣犯三公星

三公星統占

傳曰三公三星在謁者東北三公內座朝會所居也
大象占曰三公星在九卿南主輔臣占同夾斗三公
陶隱居曰三公朝會宴見之門為輔德謀事

石申曰三公所理爲輔弼之臣奏對之事

天文別錄曰三公三星在太微垣謂者東北主宣德
化調七政和陰陽之官也

大象占曰三公爲大尉司徒司空之象主燮理陰陽
輔佐機務占曰星移徙爲不吉居常則安諸星犯
守三公有咎

陶隱居曰三公三星若一星亡則天下大喪二星亡
則天下大亂三星亡則天下更王

陳卓叙占曰三公星坼則執政者有離心離德一曰
君臣不同道尊卑失序

古今星釋曰三公星明潤則君臣一德上下同心星明大而有芒角則貴臣失位光浮而數動搖者臣逼君之象

海上通占曰三公星俱亡則大臣死亦曰三公惡之月五星犯三公星

天文別錄曰月逆行犯三公星則三公有憂不然被黜陳卓叙占曰熒惑犯三公星則執政者有事敗坐誅者古今星釋曰太白逆犯三公則大臣以兵叛主坐事受誅

大象旁通曰辰星與鎮星歲星相從犯三公則大臣

有叛謀

客星犯三公星

武密曰客星守三公三公當之有誅戮之事亦曰大臣有兵憂

陳卓叙占曰客星守三公五十日不去者則姦臣害宰相一曰讒臣及貴臣

彗孛犯三公星

武密曰彗星出入三公將相下獄坐以事誅又曰三公薨

陳卓叙占曰星孛三公則將相受刑以兵變坐法不

然有死將相

古今星釋曰彗星若粉絮出三公星則大臣受戮若彗出三公旁光芒直射太微中座則天子惡之

流星犯三公星

天文別錄曰流星抵太微端門直觸三公則人君引姦使入朝廷若流星從三公出端門則天子使三公出使各以其所之野命其國

古今星釋曰流星抵觸三公下則人君不納忠言謹論一曰大臣受誅

陳卓叙占曰流星出三公則三公有犯刑者以失職

被逐

大象旁通曰流星出三公炆光隱隱有聲則有出鎮
三公不然大臣出使各以其所之野名其地

雲氣犯三公星

陳卓叙占曰黃氣入三公則太尉司徒司空以職事
修舉受賞有赤黃雲氣入三公則有三公出鎮外
方一曰天子付三公以兵權出

一行游儀後論曰黑雲氣出三公則臣下有陰謀謀
不成一曰大臣擅賞罰柄

謁者星論

謁者星繞占

月五星犯謁者星

客星犯謁者星

彗孛犯謁者星

流星犯謁者星

雲氣犯謁者星

謁者星繞占

傳曰謁者一星在左執法東北謁者主贊賓客

武密曰謁者主贊賓客辨疑惑占其星亡則外國不來賓明盛則四夷來貢

古今星釋曰謁者星主協贊賓客之事謁者星移出太微垣則中國侵伐四夷謁者星不見四夷不服
星明大有芒角四出則四夷以兵侵中國掠民財

大象旁通曰謁者星色青有芒角則邦國有憂大使
轉粟天下星色蒼白有芒角乍東乍西則姦邪在
天子側亦曰有匿謀及天子

陳卓叙占曰謁者星光浮動而數搖則四夷侮邊陲
一曰國有虞

月五星犯謁者星

天文別錄曰月逆行犯謁者星則天子禁庭有匿謀
一曰天子左右有姦邪

古今星釋曰歲星逆行犯謁者星則四夷不以職來
貢一曰侯甸不服太白逆行犯謁者星則外國有

姦使入境熒惑逆行入犯謁者則外國不賓鎮星
逆犯謁者則諸侯侵陵中國掠民興土功天下胥
怨辰星犯謁者天子憂水荒民飢外國貸粟于天
子以事兵起

客星犯謁者星

黃帝占曰客星犯謁者星則有姦使入中國

陳卓叙占曰客星色蒼白守謁者舍三十日以上不
去者夷狄侵境掠民財

河圖遺書曰客星守謁者色青赤有光芒乍東乍西
則豺狼滿路一曰盜賊四起

彗孛犯謁者星

武密曰若彗孛干犯入謁者則突厥入中國侵境一曰夷狄外侮不能禦

陳卓叙占曰彗孛如粉絮出謁者星則夷狄不賓以事起兵陷邊鄙城邑一曰邊塞失土

古今星釋曰彗孛出謁者星則盜賊侵擾邊鄙一曰不有亡地必有屠城

流星犯謁者星

武密曰流星犯謁者則胡兵入寇中國亦曰寇賊起

中國擾

陳卓叙占曰流星從端門入抵謁者則外夷入貢色蒼白則姦使入國境

古今星釋曰流星入太微抵觸謁者則四夷不賓中國一曰中國不能禦侮

雲氣犯謁者星

天文別錄曰黑雲氣入謁者外姦通內謀以害朝政一曰內有姦臣在高位白雲氣入謁者星外夷起以擾中國黃雲氣入謁者星中外講和好青赤雲氣入謁者星中國有邊釁亦曰外國姦使入中土境

乾象通鑑卷第二十三

乾象通鑑卷第二十四

河間府免解進士臣李季

聖旨編

天市垣統論

天市垣星總序

天市東垣所主

天市西垣所主

月五星犯天市垣

客星犯天市垣

彗孛犯天市垣

流星犯天市垣

雲氣犯天市垣

天市垣統星

傳曰天市垣二十二星在房星東北主權衡主聚衆

一曰天旗人主斬戮之事也市中星衆潤澤則歲實熒惑守之金守之戮不忠之臣彗星掃之為徙市易都客星入之兵大起出之有貴喪

天文別錄曰天市天子之市也天下之所會也禮緯含文嘉曰旅人有序則天市垣綺文正明

石申曰天市垣星明大則市吏急商人無利若天市星微小則市吏弱商人有利市中星衆則歲實星稀則歲虛

郊萌曰天市垣忽然不明則糴貴明則糴賤若市中多小星則民富

黃帝曰天市垣星欲其光明潤澤星衆可以積貯星不明稀小可以發貯易曰日中為市交易所主貨遷者無此之象也

古今星釋曰天市垣星直則道路不通商賈音為盜

賊所掠垣星就聚則人君損兼并商人失利貨賄不通垣星踈圻則國財匱乏

大象旁通曰天市垣二十二星垣星黃潤均明大小等則貨賄相通交易均平東垣十一星暗年穀不登人相食糴貴門左星為首各以其所亡星命其國假令從門左第一星亡則宋地糴貴人饑第二

星亡則南海糴貴其他以次命其國東西二十二
星俱亡天下大亂歲不熟父子相易而食餓殍滿
野白骨籍籍

天文別錄曰天市垣中星衆明大則歲豐糴賤商賈
估音貨利通垣中星稀小而暗則商賈不通貨殖不

行垣星明大有芒角光浮而數動搖則市吏急商

賈胥怨闐闐

垣會市也

如無人之境

大象旁通曰天市垣中星俱明大而有芒角四出乍
東乍西則民富國貧人君勢弱臣下盛彊之象垣
中星俱不見則天子損下益上人民怨謗國將兵

起為亂

陳卓叙占曰天市垣星滅明不常移徙曲直俱失故所則天子易都市一曰國將遷都則市垣移徙夏氏傲言曰天市垣忽然內外俱不見星則天下大亂疆弱相陵小大相吞併社稷顛躋國棄祀

天市東垣所主

傳曰東垣十一星從門左第一星主宋第二星主南海第三星主燕第四星主東海第五星主徐第六星主吳越第七星主齊第八星主中山第九星主九河第十星主趙第十一星主魏

天文別錄曰東垣十一星欽均明則吉第一星不明
宋地歲凶五穀不熟第二星不明南海歲歉五穀
不登他星以次命其國若垣明大而有芒角四出
乍東乍西光浮數動不止亦以星次所在命其國
則其國有兵喪一曰國用匱乏府庫空虛

古今星釋曰東垣星直則諸國俱有水旱之災民飢
歲歉東垣星拆四散不相聯屬其野商賈不通貨
財不流行一曰歲不熟人相食

大象旁通曰東垣星俱亡則天子征不庭之方誅不
受制諸侯

陳卓叙占曰東垣星忽然不見而復明明則復滅則諸侯以兵叛天子掠中國民財攘商人貨利

天市西垣所主

傳曰天市西垣十一星從門右第一星主韓第二星主楚第三星主梁第四星主巴第五星主蜀第六星主秦第七星主周第八星主鄭第九星主晉第十星主河間第十一星主河中

天文別錄曰西垣十一星欲均明則吉從門右第一星不明則韓國歲歉五穀不登第二星不明則楚國歲凶年穀不登他星依次同上命其國若垣星

明大而有芒角四出則其國有兵喪一曰歲凶民飢
古今星釋曰西垣星直則諸國有水旱之災民飢歲
歉財貨不通垣星坼則歲不熟人相食

大象旁通曰西垣星俱亡則天子征侯甸不服之臣
海上通占曰垣星屈曲若蛇行狀則諸侯有匿謀一
曰天子用誅不順命諸侯

月五星犯天市垣

石申曰月入天市其國易政

黃帝曰月入天市有更弊之命

海上通占曰月入天市近臣有抵罪者

河圖帝覽嬉曰月入天市及有變留其中女主有憂大臣有死於市者

郗萌曰月犯乘天市粟貴

武密曰月入天市兵起一曰軍憂將死

石申曰月暈天市有兵起

郗萌曰五星入天市將相有憂一曰五官有憂若五星守天市垣主市驚又曰更弊政

武密曰五星入天市將凶

黃帝曰五星入天市兵大起

洪範傳曰熒惑守天市有戮不忠者於市

郗萌曰熒惑守天市大飢又曰熒惑守天市避亂失

火天下名市移

甘德曰熒惑起天市芒角色如血主市臣叛

黃帝曰熒惑入天市兵起

郗萌曰鎮星守天市人君憂糴貴

郗萌曰太白入天市國有謀臣斧鉞用大臣戮糴貴

郗萌曰辰星守天市蠻夷之君死

荊州占曰太白守天市兵起

古今星釋曰太白經天犯天市垣中則諸侯有不受制于天子者若有芒角四出東垣第一星相射則

宋地有兵喪光芒與第二星相射則南海有兵喪
光芒與第三星相射則燕國有兵喪光芒與第四
星相射一星相射各以所指之星命其國有兵喪
西垣同上占

陳卓叙占曰熒惑犯東西垣其國有不庭諸侯天子
以越斧之誅占同太白

大象旁通曰辰星犯東西垣則有女喪一曰後宮有
嫡庶相殺

河圖遺書曰鎮星干犯東西垣有蒼白色而有芒角
乍東乍西則諸侯有坐法者一曰諸侯不面內天

子以兵伐坐法

京房外傳曰鎮星逆行失度犯天市東西則諸侯有叛命皆以所犯星命其國守天市西垣則諸國有兵喪亦以所守星命其國

一行游儀後論曰太白成鉤已逆行失度犯天市東西則諸侯有叛命者亦各以所犯星命其國若犯西垣則占同東垣亦以所犯星命其國秦始皇時熒惑守天市芒角色赤如鷄血是後始皇崩嫡廢相殺二世即位殘骨肉戮將相

客星犯天市垣

天文錄曰客星入天市大臣戮

司馬彪曰客星出天市有喪

黃帝曰客星守天市度量不平

郗萌曰客星守天市執令者死若星青黑色嗇夫死

若星色白市井亂

河圖遺書曰客星色蒼白入天市則百辟有憂若守
東垣第一星則宋國有內亂他星各以所守星命
其國若犯守西垣星其國有兵喪亦以所守之星
命其國

古今星釋曰客星色赤黃入天市中則天子憂兵喪

一曰有內亂

陳卓叙占曰客星色青黑光芒則天子以兵伐諸侯
大象旁通曰客星色赤有芒角入守天市中則有貴
喪一曰女主大惡之

漢昭帝始元中蓬星出西方天市東門漢官者梁成
恢曰蓬星出六十日不出三年其下有亂臣戮死
于市其後左將軍桀驃騎將軍安與公燕刺王謀
反作亂伏其辜

漢宣帝地節元年六月丙寅客星見黃帝星七月癸
酉夜入天市芒炎東南指其色白占曰有戮卿有

戮王是時楚王延壽謀逆自殺明年翟光兄弟及九卿皆謀反咸伏其辜

後漢安帝延光四年十一月客星見天市中占為貴喪是時北卿侯懿病薨

後漢靈帝中平五年六月丁卯客星如三升挑出貫索西南行入天市占曰為貴人喪明年宮車晏駕

彗字犯天市垣

荊州占曰彗星守天市五穀大貴

運斗樞曰彗星出天市有徙市易都之事

古今星釋曰彗星出天市中尾掃東垣則諸國有兵

喪以所掃星命其國尾掃西垣則侯有兵喪亦以所掃星命其國

大象旁通曰星孛天市中則市中易都徙離故所一曰商賈不通貨財湧貴

陳卓叙占曰彗星本出天市光芒炆二丈所隱隱有聲則王者惡之一曰諸侯有匿謀謀及天子

河圖遺書曰星孛出天市中犯中坐則天子有憂一曰有死君不然亡地

海上通占曰彗星光芒長可三丈所出天市中光芒外射垣星尾奄星不見各以其所奄星命其國其

國有革政一曰更主

漢孝章帝建初元年八月庚寅彗星出~~者~~市長二尺
所稍行入牽牛三度積四十日稍滅占曰彗星出
天市為外軍牽牛為吳越是時蠻夷陳縱等反又
阜陵王延與子男勦謀反大逆之象

漢孝桓帝建和三年八月乙丑彗星芒長五尺見天
市中東南指色黃占曰彗星見天市中至和平元
年十二月甲寅梁太后崩梁冀等驕亂伏誅

漢孝哀帝興寧元年八月有星孛于角亢入天市占
曰為兵喪三年正月皇后王氏崩二月帝崩

漢孝靈帝光和元年八月彗星出天市中長數尺稍長至五六丈赤色經歷十餘宿八十餘日乃沒於天苑中占曰彗星掃天市帝將易都至初平元年獻帝遷長安

孝獻帝初平四年十月星孛出兩角間東北入天市中而滅占曰彗除天市天帝將徙天子將易都是時上在長安後二年東遷明年七月至雒陽其八月曹公迎上都許

晉惠帝永康元年十二月彗星出牽牛之西指天市占曰天市亦名天府一曰天子旗帝坐在其中彗

出之改元易號之象也明年趙王倫篡位改元尋
為兵滅之

晉孝武寧康二年九月丁丑有星孛于天市占曰為
兵喪至太和元年符堅破涼州虜張天錫

晉安帝義熙十一年五月甲申彗星出入天市掃帝
坐在房心北房心宋之分也占曰得彗柄者興除
舊寘新其後有宋興之象

唐開耀八年九月丙申有彗星入于天市中中長五
丈漸小東行至河鼓癸丑不見占曰市者貨殖之
所聚以衣食生民者一曰帝將遷都河鼓將軍象

流星犯天市垣

石申曰流星入天市色蒼白萬物貴色赤有火災民多疾

乙巳略例占曰天市有流星出入雜座并列宿入濁者天子欲有赦賞賜事又曰天子倉庫盈溢五穀豐君喜

古今星釋曰流星入天市色蒼黃外國大商入都市一曰外國貴貨入國都市

陳卓叙占曰流星色青白抵觸天市東西垣則諸國糴貴一曰諸國貨不通各以其抵觸星命其國若

流星入天市中則有外姦入國都市流星出天市中則天子將易都市

河圖遺書曰流星色如火長數丈入天市中則國將亂大臣受誅人君惡之

大象旁通曰若流星出濁入天市中光芒炆若炬火奄没垣內星則天下將大亂天子當之

京房外傳曰若流星出抵天市東西垣奄星不見各以其所奄星命其國殃流星奄垣星則大臣受辱
一曰諸侯有坐法者

一行游儀後論曰流星起天市垣外芒角入天市中

則天子受制于彊臣一曰諸侯擅天子柄諸國都將徙

京房外傳曰流星起自天市中星流出天市入濁則天子將賜大赦一曰德澤及外國

後漢順帝永和元年四月丁酉流星大如斗起天市市棲西南行光明燭地占曰流星出天市為外兵西南行為西南夷是時益州發兵擊姑復蠻夷大牟替咸陵斬首傳諸京師

後漢靈帝中平六年有流星赤如火長三丈入天市抵觸宦者星色白長三丈後尾再屈食頃乃滅

狀如栲矢占曰栲矢流發其害射所當直而栲者
栲矢也栲矢者邪枉人也大將軍何進謀誅宦者
宦者於省中殺進俱破滅天下由此大亂

晉武帝咸康六年二月辛未流星大如二斗魁色赤
青光耀地出天市西行入太微占曰大人當之八
年六月成帝崩

晉安帝元興元年七月己巳有流星起天市五丈所
光色赤天市為外軍其年遼東貊人反鈔六縣發
上谷漁陽右北平遼西烏桓討之

雲氣犯天市垣

天文錄曰蒼白氣入天市嗇夫遇賊一曰人多病蒼
黑氣入天市萬物貴出天市萬物賤赤氣入天市
斧鉞用赤氣入天市如波者市有火災若赤氣出
天市有兵弓弩貴黃白氣入天市萬物賤黃白氣
如一足繒常集天市中有神奇物入者天子喜出
天市有奇物出黑氣入天市則嗇夫死

河圖遺書曰有黃氣繚繞天市東西垣其國有喜各
以其雲氣所當命其國若有蒼白奄東西垣其國
有兵一曰大飢糴貴有赤氣奄東西垣其國有火
災一曰民有疫病有黑氣奄東西垣其國有大喪

一日大水溺傷禾稼民飢餓殍如麻相枕于道路

乾象通鑑卷第二十四

乾象通鑑卷第二十五

河間府免解進士臣李季奉

聖旨編

天市垣前論

帝星論

候星論

宦者星論

斗星論

斛星論

列肆星論

帝星論

帝星統占

月五星犯帝星

客星犯帝星

彗星犯帝星

流星犯帝星

雲氣犯帝星

帝星統占

傳曰帝座星一星在天市中候星西天廷也光而潤澤則天子吉威令行微小凶大人當之

巫咸曰帝座一星神農所居占曰其星明潤澤天子威令行微小則大人憂

傳曰帝座一星在宦者東帝有五座一紫微二大角三太微四心宿五天市

甘德曰帝星明大而黃潤則天子昌威令行微小則天子不吉威令不行勢在臣下若帝星亡則大人

天文錄曰彗孛刺帝座則宮中大亂一曰天子惡之
荊州占曰彗星如帚抵帝星兵起內亂

武密曰彗星如粉絮犯帝星則兵喪並起

石申曰彗孛干犯帝星王者憂子孫不昌

河圖遺書曰彗星入天市中抵帝星則名人起兵相
征伐天下大亂

陳卓敘占曰彗孛干犯帝星陵奄座不見則天子有
大喪一曰有白衣會

天文別錄曰彗星本天市外末掃天市中抵觸帝星
則天子大憂一曰宮中及天子廷有匿謀

京房外傳曰彗字出天市光芒炆垣外則天子自將
兵一曰天子親戎服以伐諸侯

流星干犯帝星

武密曰流星抵帝星諸侯起兵臣謀主貴人更令又
曰流星抵帝星大人憂若抵觸奄星不見國有大
喪

河圖遺書曰流星色蒼白抵帝星則兵大起天子自
將兵一曰有暴兵

夏氏微言曰流星色赤抵帝星期百日地震殺人官
中有火恐天子無出宮有匿謀者

古今星釋曰流星自天市外入直抵帝星色黃潤則外國有使懷姦謀不成色赤黑青白姦謀成一曰宮中兵起

天文別錄曰流星貫帝星則天子憂兵喪一曰人君無道外寇內侵

大象旁通曰流星奄帝星色赤則天子失位一曰國將棄祀則流星奄帝星

雲氣犯帝星

荊州占曰蒼白氣抵帝星天子有喪事抵座旁臣有叛者青赤氣抵帝星近臣欲謀其君氣明者謀成

氣不明者謀不成若赤氣狀如劒戟抵座天子諸
侯有兵驚若黃氣出天市繞帝星不出六十日天
子徙都市若黃白氣潤澤環繞帝星旁天子有子
孫之喜

武密曰赤黑氣如蛟蛇及龍形入天市垣有白衣會
若赤氣出帝星經市門出者期九十日近臣有謀
若氣上赤下白大如井口從外入天市中者邪臣
之氣其氣直者貴人之氣

陶隱居曰帝星主天子之位星欲明潤而黃有黃氣
覆上者天子有喜星暗而白氣覆上者或左右環

繞者帝將失位

候星論

候星統占

月五星犯候星

客星犯候星

彗孛犯候星

流星犯候星

雲氣犯候星

候星統占

傳曰候一星在帝座東北主伺候陰陽也明大輔臣
彊四夷開張候星細微則國安亡則主失位移則
不安居常則無咎

古今星釋曰候星近帝星主伺候陰陽而變理之星

不欲明明則大臣彊盛夷狄不賓內外將亂星微明則君臣之禮得星移徙則人君不安四時不序民有疫癘星亡則天子惡之一曰國祚將棄則候星亡

大象旁通曰候星明大而有芒角四出乍東乍西則大臣跋扈不順王命一曰大臣有匿謀

海上通占曰候星暗不見而忽然大則臣下有陰謀王者將易位

夏氏微言曰候星微明而黃潤則陰陽順序萬物得宜天下安王道盛星移近帝星則大臣擅天子柄

用一曰臣下有自立者

月五星犯候星

武密曰月犯候星輔臣有憂死者

古今星釋曰月犯候星則近臣當之一曰近臣受辱則月犯候星

一行游儀後論曰月奄候星則大臣以事坐法一曰臣下有匿謀事則坐誅

大象旁通曰歲星逆行守候星則陰陽失序五穀不成歲飢人相食

陳卓叙占曰熒惑逆犯候星則大臣變理無功歲旱

五穀不熟赤地千里人死如亂麻

夏氏微言曰鎮星逆犯候星則大臣興造役民興土
功天下怨謗國將兵起若太白犯候星則大臣以
兵叛主色黃事不成青白赤黑則有篡弑之禍辰
星犯之則大水傷禾稼

彗孛犯候星

武密曰彗守候星輔臣受黜又曰孛星犯候星大臣
謀叛

古今星釋曰彗星如帚掃候星不見者則大臣失職
事敗坐法

大象旁通曰星孛候星旁則輔臣死不然被黜一曰
星孛候旁則大臣死亡

古今星釋曰彗星掃候星則大臣有以事坐法者尾
近帝星則大臣謀主不抵帝星事不成尾掃帝星
則大臣有篡奪之禍

流星犯候星

天文別錄曰流星色蒼白抵觸候星則侍臣有匿謀
通外姦謀及人君

天文總占曰流星色赤抵候星則外國使者入天子
廷近臣佞主以通外姦一曰大臣通外國姦使以

事敗坐法

陳卓叙占曰流星色黃出候星旁則天子遣大臣出使各以其所之命其國一曰天子與外夷搆和好

雲氣犯候星

武密曰黑雲氣奄候星則大臣有憂陰陽失道百官無尊卑禮一曰朝廷不治則黑氣奄候星若黃氣下覆候星則人臣擅天子權一曰人臣侵主權禮樂征伐不自天子出

宦者星

宦者星統占

月五星犯宦者星

客星犯宦者星

彗孛犯宦者星

流星犯宦者星

雲氣犯宦者星

宦者星統占

傳曰宦者四星在帝星西南侍主之近也星微吉非其常近臣憂

武密曰宦者侍帝旁主侍臣

陶隱居曰星微則吉若明盛動搖非其常處則近臣憂

傳曰宦者四星在帝座西南側主刑餘之人也星微則吉明則凶非其常宦者憂亦曰閹人占與彗星

同

古今星釋曰宦者星主助宣王命內常侍官也星微明則吉星明大則內侍竊主柄

大象旁通曰宦者星明大而有芒角四出則內侍專恣擅君權威令天下星移徙失其故常則宦臣失勢

京房外傳曰宦者星光浮而動搖移徙不止者內侍有匿謀宮中大亂一曰宮中有外寇侍臣以事坐誅

夏氏微言曰宦者星出怒角色青白則刑餘之人握

國兵柄一曰賞罰之柄付刑餘人

月五星犯宦者星

武密曰月干犯宦者星侍臣有憂

古今星釋曰月逆行失度犯宦者星則內侍專權干國時政

天文別錄曰歲星逆犯宦者星則中官有憂色黃則中官受天子寵命色青黑白則內侍失勢

大象旁通曰熒惑逆犯宦者星則刑餘之人受殃若出怒角與宦者光芒相抵觸則朝廷大臣與宦者爭權隨星所奄者受殃若太白逆犯宦者星則中

卷之二十五
官掌兵柄

客星犯宦者星

天文別錄曰客星干犯宦者星則中使有憂一曰內侍失君寵

天文總占曰客星守宦者星中官有暴貴者一曰內侍得君寵

陳卓叙占曰客星大如爪乘宦者不去及五十日而去去而復來則內侍通外姦以事坐法

彗孛犯宦者星

武密曰彗孛守犯侍臣有憂

陳卓叙占曰彗孛干犯宦者星則宦臣竊君柄一曰
內侍秉政則星孛宦者星

古今星釋曰彗本在宦者星內官受其辱一曰陰貴
人犯法

大象旁通曰星孛宦者則中官失勢一曰內侍有陰
謀逆君不成坐法死

流星犯宦者星

武密曰流星干犯近臣有憂

陳卓叙占曰流星干犯宦者則刑餘人臣受賜一曰
亦屬兵起

古今星釋曰流星干犯宦者星則貴臣惡之一曰百官有憂

後漢靈帝中平中流星如火長三丈起河鼓入天市抵觸宦者星星色白長二三丈後尾再屈食頃乃消狀似枉矢流發其宮射所謂矢當直而枉者操邪枉人也中平六年大將軍何進謀盡誅中官於省中殺進俱兩被滅天下由此大壞

雲氣犯宦者星

武密曰黃白雲氣入宦者星中官受賜赤氣入宦者星中官謀叛黑氣入宦者星中官有變

陳卓叙占曰赤黃氣入宦者則中官受君寵命有青
白氣入宦者星則內侍犯法坐誅

河圖遺書曰有紫氣盤覆于宦者星上則內官以兵
謀叛及天子有篡弑之禍一曰內侍通天子

斗星論

斗星統占

月五星犯斗星

客星犯斗星

彗孛犯斗星

流星犯斗星

雲氣犯斗星

斗星統占

傳曰斗五星在宦者西南主量也

陶隱居曰斗星覆則歲豐熟斗星仰則歲不熟

武密曰斗五星在宦者南天斛之北主平量仰則天下斛斗不平覆則歲穰又斗五星傍市東垣近北門仰則大飢荒覆則反是

古今星釋曰斗星主量不欲其明明則天下斛斗不平星仰亦若是星直則人君損下益上百姓怨毒星踈圻則五穀不登糴貴天下不用斛斗人相食星就聚則天子重賦歛百姓胥怨星移徙出市中則五穀不入市百姓絕糧斗覆則歲稔斗仰則大荒一曰赤地千里粒米不收民飢死

月五星犯斗星

天文別錄曰月逆犯五斗星則天下糴貴民相食

天文總占曰歲星犯斗星色黃潤則天下物帛賤糴
不論錢若色青白赤黑及有芒角則天下大凶市
多餓夫死者橫道路

古今星釋曰熒惑犯斗星則都市有火災色青白黑
赤則焚萬家窮人力不能救

大象旁通曰太白經天守斗星則天子憂食百姓可
知若辰星守斗星則斛斗無用于市天下大水傷
禾稼民饑

客星犯斗星

天文別錄曰客星干犯斗星則百姓私用斗斛下民爭殺市中

天文總占曰客星色蒼白干犯斗星則都市吏急商

賈

音估

怨謗流毒天下

古今星釋曰客星色黃犯斗星則天下斛斗均平五穀熟糴賤

大象旁通曰客星色青白有怒角四出則大寇掠都市殺人橫屍血流通衢

彗孛犯斗星

武密曰彗孛干犯斗星其下大荒

天文別錄曰彗星掃天市抵斗星則奄星不見天下

糴貴王者憂飢

古今星釋曰星孛于天市觸斗星則天下有水旱之

災斗量無用其飢可知

海上通占曰彗星如粉絮尾掃天市垣星本近斗星

王者易都市商賈估貨賄為寇賊掠斗斛不均平

百姓怨謗流毒天下

流星犯斗星

天文別錄曰流星抵觸斗星則百穀不順成年凶歲

欬若色黃則災淺色青赤白黑則尤甚

古今星釋曰流星起天市外直抵觸斗星都市將遷若色青白則外貴貨入都市

雲氣犯斗星

天文別錄曰有黃雲氣入斗星則年穀豐稔百穀順成糴賤都市安寧有青白氣入斗星則暴兵起都市一日年凶盜起有黑氣入斗星則大水入市人民漂溺糴貴人飢

斛星論

斛星統占

月五星犯斛星

客星犯斛星

彗孛犯斛星

流星犯斛星

雲氣犯斛星

斛星統占

傳曰斛四星在斗南主度量分銖筭數占曰星不明則凶亡則年飢又曰市樓北四星曰天斛主量者也占同斗星

天文別錄曰斛四星主量以分算數也星明潤則糴賤星暗不明則年凶明大而怒角四出則天下有飢民糴貴十倍

古今星釋曰斛星直則歲不登人相食斛星踈坼則

五穀有水旱之災斗斛不用斛星就聚則人君重賦歛流毒四海

月五星犯斛星

天文別錄曰月犯斛星則五穀不熟糴貴

天文總占曰歲星守斛星色黃潤而明則年穀順成百姓胥悅糴賤熒惑守斛星則火災都市百貨為灰燼太白逆犯斛星或經天逆犯天下大荒死人滿野鎮星犯斛星都市空虛辰星守之則大水入通衢風濤波發屋舍五穀為魚鰲食人飢多死亡

客星犯斛星

天文別錄曰客星干犯斛星則百姓用私都市分爭
殺人流血通衢

古今星釋曰客星干犯斛星則都市吏急剝刻商賈
流毒四方

陳卓叙占曰客星大如槐色蒼白抵斛星則外寇掠
都市一日糴貴天下飢荒

彗孛犯斛星

天文別錄曰彗星掃斛星其下大荒

天文總占曰彗星出天市掃斛星則天下糴貴王者

憂飢

陳卓叙占曰彗星如粉絮掃斛星則其尾如曲蛇狀
環繞市垣則天子徙都市

古今星釋曰星孛天市抵觸星則百姓有飢色

流星犯斛星

天文別錄曰流星犯斛星則斗斛不均糴貴人君賦
歛重天下怨謗

古今星釋曰流星抵斛星王者都有貴貨人入一曰
外國大商貨至

雲氣犯斛星

天文別錄曰黃氣入斛星則貴貨入都市中有青赤

氣入斛天下大荒人民餓死者衆有白氣入斛星
則兵起都市以掠商賈財賄有黑氣入斛星天下
大水穀不成民飢

列肆星論

列肆星統占

月五星犯列肆星

客星犯列肆星

彗孛犯列肆星

流星犯列肆星

雲氣犯列肆星

列肆星統占

傳曰列肆二星在天斛西北主貨金玉珠璣
武密曰占其星移則列肆不安

石申曰列肆星明則吉暗則反是又曰列肆二星市中傍西垣南北列主寶珍之貨占曰移則市不安
寧金火守入兵大起居常則無咎

天文別錄曰列肆星明則都市有貴寶珍玉以實國
用星暗則商賈音估不通泉府空虛國計匱乏

大象旁通曰列肆星明大有怒角則市急大商賈不行府庫不充實星踈坼則天下徙都市國財耗之星就聚則賄財益上百姓貧乏

古今星釋曰商賈不行則列肆星徙光浮而數動搖則市吏重率歛商賈不通

大象旁通曰列肆色青則貨聚兼并一曰貨財積于上

月五星犯列肆星

大象占曰太白熒惑入列肆兵起一曰國用耗乏

天文別錄曰月犯列肆星則大臣起兵以叛人君一

曰兵起市肆

古今星釋曰太白犯列肆則有急兵一曰天子以財聚兵兵反謀上若太白經天犯列肆則市人為兵

客星犯列肆星

天文別錄曰客星大如五升器乘守列肆不去留五十日以上者則天子與民較利一曰天子較錐刀

則客星舍列肆

古今星釋曰客星色蒼白守列肆者不下則珎寶入
兼并家色赤黃則有巨商入都市色黑則歲歉色
純白則為兵喪

彗孛犯列肆星

天文別錄曰彗星出列肆則寶玉耗國財匱乏若彗
本在列肆光芒炆天市外尾掃斗斛星則國用大
耗民困于下一曰兵起不測以蠹民用

古今星釋曰星孛列肆則珠玉棄路道有急兵
大象旁通四星孛列肆中奄不見則天子財用不足

流星犯列肆星

天文別錄曰流星抵列肆星色黃則海外巨賈

音人佐

入天子都市一曰貴貨入市並資國用

古今星釋曰流星起天市直入抵觸列肆色赤則都市有火災商賈告窮

大象旁通曰流星抵天市列肆隆隆有聲則商賈匱乏人君重歛一曰人君隆隆則大商反告窮

雲氣犯列肆星

天文別錄曰有黃氣入列肆星中天子有寶玉珠璣以充府庫

古今星釋曰有赤氣入列肆則寶玉為灰燼

陳卓叙占曰有黑氣入列肆星則天下大荒民貧困